

華東文學文獻

第九卷

中國華東文獻叢書

中國華東文獻叢書編輯委員會

中國華東文獻叢書·第六輯

華東文獻

第九卷

甘肅省古籍文獻整理編譯中心
中國華東文獻叢書編輯委員會 編



本卷目錄

惜抱軒詩集

〔清〕姚

鼐撰

.....

〇〇三

本卷目錄

惜抱軒詩集

〔清〕姚

鼐撰

.....

〇〇三

【清】姚鼐撰

惜抱軒詩集

《惜抱軒詩文集》二十六卷，包括《惜抱軒文集》十六卷和《惜抱軒詩集》十卷，清嘉慶刻本，原刊十八點九八釐米高，十三點九九厘米寬。

姚鼐，字姬傳，號惜抱，桐城人。文然曾孫，乾隆二十八年（公元一七六三年）進士，官刑部郎中，四庫編修。桐城派古文之傳，自方苞以文章稱海內，上接震川，同邑劉大櫟繼之益振，傳至姚鼐則集大成。因此有『桐城家法，至此乃立，流風作韻，南極湘桂，北被燕趙』之說。歷城周書昌說：『天下文章其在桐城（含今樅陽縣境）乎！』現存文集有《惜抱軒稿》，抄本；《惜抱軒詩集》十卷，嘉慶三年（公元一七九八年）劉文奎刻本；（中科院藏本有批校，南開藏本有清汪士鐸批並跋。）；《惜抱軒詩集十卷後集一卷外集一卷》，嘉慶三年刻本（按：華東師大藏本有嚴復批校並跋）。

惜抱軒詩集目錄

桐城姚鼐姬傳

第一卷

古體五十六首

第二卷

古體六十二首

第三卷

古體四十首

第四卷

古體三十首

第五卷

古體廿六首

第六卷

今體七十九首

第七卷

今體六十九首

第八卷

今體八十六首

第九卷

今體一百十首

第十卷

今體九十三首

惜抱軒詩集一

古體五十六首

錢舜舉蕭翼賺蘭亭圖

萬壑千巖當坐起，斷取越東山。百里世閒不見，永和人
長有春風流曲水。滄海日高開，寺樓樓上當窗僧白頭。
越僧世得鍾張法，頭白朝朝摹禊帖。扣門客坐軒檻風，
茶香酒煖笑語同。致君有道堯舜出，訪古無人羲獻空。
頻說法書日西宴，蕭郎縮手心無限。老僧抵掌僧雛睨，
似謂慢藏勿欲諫語卿。且勿諫懷璧，不可居御史。稱有
詔，明日將登車。長安再拜陳玉除，歐虞俯首愧不如年。

往運謝五百餘錢生染筆中躊躕石牀閉絕昭陵夜無
復人閒第一書

元人散牧晚歸圖

日落未落東皋黃搖風欲靜千絲楊榆莢雨後邨塢涼
澤中艸長人微茫牛從雜遝老犍將刺促或走或羊望
或掉尾立銜藏葦牛背短簷二尺強握坐者牧舟樹檣
或來以笛吹其旁據牛橫坐如胡牀後有蓬髮趨踉蹌
前有招之右袂張首伏牛後尻前昂二人蓑薜行驅羊
掀笠偃背丫髻長其一糾笠風中颺林木度盡橫陂塘
前邨暝色寒蒼蒼一人先俟牛宮旁遶宅榆柳青蒼簷

老翁飽腹飯黃粱出攜幼稚嬉徜徉少婦機杵鳴東廂
人生正可知慶桑春夏耕牧秋築場不見臧穀羊皆亾
嗟哉此畫真吾鄉

山寺

四山動秋響高林黯將夕披雲度寒榛暮陰下前壁寺
門風蕭蕭飛葉滿巖積箐嶼暗深溪淙鳴出穹石想見
谷口外落日遠峯碧一磬流煙中萬壑抱檐隙豈無湛
冥人於茲衣蘿薜初月輝易盡悵望遂停策

偕一青仲郭應宿登城北小山至夜作

秋聲鴻澤滿暑氣蟲階謝攜客眺寒原居人斂餘稼酒

取脫枝溫席以柔莎藉餘照在單椒暝色生林下泣露
亘天垂巨壑當巖瀉微風度灌吟澹月流雲罅情集交
悲歡生得幾清暇寧於蟪蛄春而慕燕雀夏視後無虛
鞭規前有戒駕懷哉古已遙逝者今方乍勿歎平分秋
夏卜將來夜

春雨

日暮東風休掩卷幽窗靜颯然春雨來一室生微冷時
有棲鳥聲自令虛懷警

咏古

和璧非珠翠流光悅婦人章華宮畔路夫子欲何陳客

行漢江渚思見游女神蘋皋風日晚寧不怨青春

秦皇服胡越六合歸懸衡雄心不繼乃策女懷清漢
廷策賢良褒然儒董生慷慨公儀子食祿復何營如何
桑與孔賈豎充簪纓富民封丞相他日悔心萌已衰不
再盛痛惜此孤惻

鼓枻出大江回首樅陽渡中有漢帝臺言是射蛟處日
夕天風吹青條變枯樹上有黃鳥吟下有寒兔顧憶昔
翠華游帆檣隔雲霧中流造新歌清音發眾嫔巡游既
已疲神仙不可遇爲念祈招詩廣心焉所務

循吏有兒寬乃以負租黜設吏爲繭絲何以責乾沒念

彼魏二臣屬厭風饋畢豈不愛吾君懼以滋遺失

高亭發秋吹廣野多邊聲誰和羌笛歌難爲愁士聽昔
應縣官募希有絕幕名奮隨兩校尉西詣車師城夷虜
眾且桀漢障懸孤旌創夷夏登陴回首涕縱橫累月鬻
弩鎧援絕城遂傾將軍旣效命舊卒皆凋零歸來室家
盡門巷荆棘平昨聞漢天子已拔單于庭微功不得錄
委弃秋艸并

贈郭昆甫煥助教

老儒閉門元向白牢邪石邪五鹿客寄生入盆爲窶數
衰盛人間如反手君才磊落天下奇四海賢儁誰不知